

# 卷七

書名 新編古今事文類聚外集十五卷 泰定三年廬陵武溪書院刊本  
 撰者 元 富大用 撰  
 卷 卷七  
 內容分類 子 類書 彙考 宋  
 索書號 貴重-19  
 編號 C5930300

[彩色首頁1](#)  
[彩色首頁2](#)

[東洋文化研究所漢籍目錄 編號: C5930300](#)

[東洋文化研究所漢籍目錄所藏漢籍善本全文影像資料庫 索書號: 貴重-19](#)

[漢籍善本全文影像資料庫文本新編古今事文類聚外集十五卷 泰定三年廬陵武溪書院刊本](#)

版權所有: [東京大學](#) [東洋文化研究所](#)  
[使用上的注意事項](#)

東宮部

## 新編古今事文類聚目錄

南江 富大用 時可 編

### 三師三少

各具本題之下更不具載

各具本題之下更不具載

廣受師少

令太子拜

見輒先拜

請赴資善堂

生員輔弼

古今

羣書

歷代

卷一

卷一


南江

富大用

時可 編

時可 編

No. 1473



2  
3  
4  
5  
6  
7  
8  
9  
5



新編古今事文類聚卷之七

南江富大用時可編

諸使司部

# 宣慰使

**歷代沿革**

宣慰使始於唐初元和置淄青兗豫等州宣慰使後始置宣慰使大率藩方不靖則遣重臣宣諭慰安之故有宣慰使之名宋置宣諭使以宣諭德意為職而已不與軍事元宣慰官大元沿唐制置宣慰使副使斷事官經歷知事等員

**古今事實**

持節直入

徐州張建封卒兵亂因監軍逼建封于愒王軍務帝以李鄴副





敢拜宣慰使持節直入其軍大會士諭以禍福出監軍獄中脫桎梏使復位愔即上表謝罪稱留後鄭曰非詔命安得稱之削去乃受既還稱旨迂郎中

行營面詰

憲宗因淮西又未成功遣尚書左丞許孟容行營宣慰令面詰賈光顏重胤一月內賊平

宣慰河北

王縉祿山亂擢太原少尹佐李光弼以功加憲部侍郎迁兵部史朝義平詔宣慰河北還有指俄拜黃門侍郎同平章兼鎮河東節度本傳

宣慰魏博

田弘正圖魏博相衛兵擅之地籍其人以獻憲宗美其誠詔充魏博節度使又遣裴度宣慰度明辨具陳朝廷厚意弘正不竟

自安廼深相結納奉上益謹復請度徧行其部宣示天子恩詔魏人由是歡服裴度至魏博宣慰以千五百五十方縉賞軍士六州百姓給復一年軍士受賜歡聲如雷並本傳

馬摠副裴度

馬摠副裴度宣慰淮西吳元濟擒為彰義節度留後蔡人習偽惡相掉許獲戾有夷貊風摠為設教令明賞罰磨治洗汰其俗一變本傳

巢父見田悅

孔巢父為魏博宣慰使巢父辨而才及見田悅与言君臣大義利害逆順時悅又不臣喜曰不圖今日還為主人酒中悅起自陳騎射工曰陛下見用何敵不摧巢父曰若不早引歸乃一劇賊耳国乃多虐待子而恩數日因緒殺悅遂与大將邢曾俊等听命巢父即以緒權知軍務行其難



无若孟陽

唐憲宗詔潘孟陽往江淮察諸使治否孟陽所至流連倡樂招金多其後鄭放言慰汀淮帝歲之曰无若潘孟陽殫才費酣飲游山寺而已

卒善真卿

盧杞德宗時拜同平章事既得志險賊浸露賢者媚能者已小忤已不傳死地不止李希烈反杞素惡顏真卿挺正敢言即令宣慰其軍至為賊害杞揆有雅均夏復用遣為吐蕃會盟使卒于行天下无不痛憤以杞得君故不敢言本傳

### 宣撫使

**歷代沿革**

唐元和十四年潘青充鄆等十二州平詔戶部侍郎楊於陵以本官充潘青等州宣撫使

不常置有軍旅大事則命執政大臣為之累朝但除向文簡范文正富文忠文忠烈韓獻甫五人仁宗征儂智高以狄青為宣撫使武臣宣撫自此始建炎三年張魏公以知樞密院為宣撫使置使其後杜丞相周仲弼孟富文趙元鎮周秘南王公明鄭仲一沈德之輩皆自二府出為之虞公始以元樞除大資政矣上恐未足為重後二日乃復帶知樞密院事焉若前宰相為宣撫則自渡江已後亦止除李伯紀呂元直朱歲一三人紹興元年刘尤世以使相宣撫淮南武臣非執政而為之自此始二年李泰發以端明殿學士為壽春等州宣撫使文臣非執政而為之自此始然自紹興至嘉泰武臣止刘尤世韓世忠張俊岳飛吳玠從官止李光發王伯似二人蓋重之也大元仍唐宋前置之

宣撫使



便宜行事

樞密直學士明鑑討其州未下參知政事文彥博請自往督戰以彥博為河北宣撫使彥博奏今在軍中請得便宜從事上許之閏月克貝州擒王則陳水記聞

節制諸將

鄭剛中字其仲為川陝宣撫副使節制諸將極其尊嚴三都統每入謁必先庭揖然後就坐及吳玠升檢校少師來謝語主閣吏求講鈞敵之禮剛中曰少師雖尊猶都統制耳倘變常禮是廢軍容玠皇恐听命中興係年錄

活飢民

慶曆三年韓琦宣撫陝西屬歲大飢羣盜嘯聚悉討平之是歲河中同華等十餘州飢民相率東徙選官發省倉以振之蒲華同三州所活百五十四萬餘人他州亦召琦歸缺編年備要

修軍政

廣忠肅公允文為四川宣撫首劾大將任天錫刺下為苞直又劾守令劉洪宋琛等十一人之病民者又薦可為將帥二人進備禪二百餘人諸軍歡呼四蜀交賀於是開公平之路絕請謁之私而軍政修矣言行錄

智高戰敗

狄武襄公至廣源州蠻儂智高叛連破七州仁宗遣青瑩宣撫使率眾擊之至賓州時儂寇還守邕州青瑩崑崙關為所扼乃下令具五日糧休士卒賊謀知不為備是夜青瑩率眾半夜度崑崙關近邕州賊方資逆戰於歸仁鋪賊遂大敗

忠彥誅

李綱字伯紀為湖廣宣撫使有統制官張忠彥者駐軍廣州頗擾一路公為宣撫使召之不來公察忠彥必為郡檄令權知岳



陽忠彥果至即械送所司取首誅之並同上

僉書出鎮

治平三年以僉書郭達宣抚陝西判渭州上曰第領樞取独重使權自呂余慶以參知政事知成都其後具任執政无守藩者至達始以僉書出鎮第年備要

御殿置宴

咸平三年詔兵部侍郎參知政事向敏中充河北東路沿边宣抚大使樞密直學士馮拯陳堯叟充副大使巡按郡国存問官吏將校耆老百姓等真宗御長春殿置宴以遺之

就拜平章

韓康国公絳熙寧二年夏羌大入慶州境以公為陝州宣抚使自受命至陞拜三日而行贈金繒及織文袍終至边悉為將吏治兵郡延使和諒出青澗城公欲自高奴通道河東詔兼河東

宣抚使就拜同中書門下平章事言行錄

功出儒者

虞忠肅公允文字彬父逆亮叛順王權失律公以宣抚視師江上大破賊軍逆亮遁入揚州是日李顯忠至公曰京口无備我欲往公能分兵見助否顯忠即分李捧軍一萬六千及戈船百艘會于京口公至京口謁劉錡二曰朝廷養兵三十年我輩一技不施今日大功乃出於一儒者我輩愧死矣同上

古今文集

古詩

和錢王峻巡边

張說

六月歌周雅三边諗夏卿欲施攻戰法先作簡誓行礼樂知謀帥春秋識用兵一勞堪定国万里即長城策布和戎利威傳破虜名軍前兩西道樓上月臨普別藻瑤華降同衣錦祿茶關山



由義近戈甲為恩輕絲竹路傍散風雲馬上生朝廷為吉雨邦  
國均至君平

送鮑中丞赴太原

盧綸

暫趨西掖望全解北門憂車幕臨初護親營制督郵

送范司空赴朔方

呂溫

築壇登上將滕席委前籌廣城南侵且朝分北顧憂抗旌廻廣  
漢抗劔動旌頭

# 安撫使

**歷代公卿**

武帝普通六年魏以郵道元為大使慰撫六鎮  
大使始此周文帝開皇九年詔遣柱國韋洸安撫  
嶺外又仁壽四年以楊素為并州道行軍總管河北道安撫  
大使唐正觀初遣大使十二又巡省天下諸州水旱則有巡

察安撫存抚之名節度使兼之則有副使天授二年發十道

存抚使聖曆中狄仁傑為河北道安撫德宗正元又置副使

**宋**舊不常置自咸平二年以翰林李士王欽若為四川安撫  
使知制誥梁顥為陝西安撫使安撫使之名始此其後景德

三年始置河北汾沁安撫使以雄州守臣為之而陝西汾沁  
諸州亦有安撫使慶曆二年詔置湖南安撫司八年詔置河

北四路安撫以韓琦王拱辰賈昌朝等充諸路使皇祐四年  
詔廣桂二州帶經畧安撫使熙寧五年罷諸路經畧安撫司

崇寧二年置河南安撫使宣和二年置輔郡內領昌府帶京  
西安撫使宣和二年臣僚言睦賊獨繼乞以抗越知州兼奉

路安撫鎮抚一方詔抗越州江寧府守臣並帶安撫使詔洪  
州守臣可依江寧府安撫使凡諸路安撫逐州知州兼以直  
秘閣以上充掌撫護諸將統制軍旅察治奸宄以肅清一道



凡兵民之政皆掌焉帥其屬而听其獄訟頒其禁令分其賞罰稽其功谷軍械出納之名籍其行以法若事難專決則具可否稟奏即干機速边防及士卒抵罪則听以便直裁斷係边任則緩御夷狄抚安疆圉若甲兵屯戍芻粟餽運則視其緩急盈虛而移用之掌九戰守之事建炎元年李綱請沿河沿淮沿江置安抚使兼馬步軍都摠管以文臣充二年令將兵處知州帶管內安抚使後省四年置鎮抚使罷逐路安抚使後罷鎮抚使置安抚使如故時諸路又有安抚大使自兩浙西路刘光世始二品以上為帥即為安抚大使六品有安抚使又有副使正使正三品副使正四品

**邊疆使節**

翰之任有已矣缺鉞之權釋又送俱文珍序五都伯長送張

子序方州大臣咨元侍御書大夫烏公以缺鉞鎮回陽送温造序來帥熊罷四方作儀連理木須出岳岳政入填邦紀惠文大子冊繫我輔臣伯效列岳冊尊号赦尹正大都節度羣州皇甫湜荆南判官研壁記大旂高牙任雄節制楊億代表代荷寵榮謬居垣翰李師道詔无安帥節之樂猶待衣衣之選韓琦判相州制

用賢豪趙公王立高歌起杜近來廊廡多西帥出相誰言只在東楊誠齋送兵部帥蜀西蜀宣威百萬兵會須等今日精明同上京兆從教思唐使會指聊喜得方回東坡送錢穆父守地

**古今事考**

士服威愛

程務挺以左衛大將軍為羊守道安抚大使禦突厥務挺



士服其感愛交厥博不敢寇邊唐書要

帝稱文武

儀鳳二年詔裴行儉為安撫大食一使歸不吉師將吏為刻石碎葉城紀功帝芳曰行儉提孤軍深入万里兵不血刃蕞蕞禽夷可謂文武兼備矣取林

乞赦脅從

狄仁傑字懷英突厥入趙定標掠遁去拜仁傑河北安撫大使時民多脅從於賊仁傑願曲赦河北一切不問詔可同上

許以便宜

馬儉為并州道安撫大使許以便宜

全活飢人

韓魏忠獻王琦益利路人飢為体量安撫使公至則蠲租減稅以募人入粟招募壯者刺以為軍禁重擾閭閻民流移欲東

者勿禁全活飢人百九十万蜀人曰使者之來更生我也

体量官吏

范雍充陝西公使州軍体量安撫使詔所至察訪凶民利害及体量官吏能否唐書要

大修戰陣

宋若水撰刘肅公珙謚議公鎮江陵條上兵少才匱之狀除去詭名虛藉之弊大修部伍戰陣之法且謂襄陽兵戍久屯不歸為不便則立番休之制軍情大悅

大戢騎兵

程明道撰彭思永行狀云何朔謀帥以公鎮高陽時徂於永平治兵者鮮明紀律公為帥方重嚴正犯者頗以兵法從事騎兵大戢

錄問繫囚



咸平三年以翰林李士圭致書為并州道安撫大使知制誥  
顯為陝西路安撫使所使錄問繫囚真宗諭之曰朕觀首風俗  
尤難其人數日思之元易卿等各宜宣布德澤使知朕動恤意

惠愛百姓

張忠定公盡外和內剛臨事有仁者之勇在蜀四年尤著惠愛  
百姓皆登像以事後帥李煜贊云公昔在蜀千載一人公今去  
蜀千百其身願公再來以慰斯民盡矣錄也周益公集

到部賑貧

韓康國獻甫公絳字子華江淮兩浙歲飢以公体量安撫江夏  
東西一路到部則發倉粟賑貧之問百姓疾苦

各策強盜

宰執奏福建安撫葉夢得措置強盜之事上曰盜之竊發多緣  
守令非人招克所致宜令帥司條具凡有害於民者除之自此

公或招或捕或誘之相戕三策並用莫清撰葉夢得行狀

畫像立祠

韓魏公所歷諸大鎮皆有遺愛人人登像事之立生祠  
為朔豫歲時瞻奠比狄公我狄尤畏公名凡使契丹及來使  
者必問韓侍中安否言行錄

遮道拜泣

許汾知鄧州兼荆南西路安撫使政尚寬簡務為勸戒而人  
其情庭无留訟蓋一本於誠信故人愛服之在鎮四年一路獄  
空者八十縣鄰路飢流詔公賑濟活二万六千九百有奇去之  
日百姓遮道拜泣比之召父杜母而立祠于堂許龍圖行狀

錄諸將功狀

刘忠肃公珙巨寇李全奮起為乱以公為荆湖南路安撫使公  
入境賊衆已數万公檄隣道謹斥候守隘塞亟奏請下荆襄發



平又遺書制置使沈介請毋須報而亟遣介為遣兵官雷白盛而賊勢日衰於是賊徒執李金以降雷黨及戮既乃錄諸將之功狀列上不以一毫有所私上嘉嘆再三至書褒美

朱晦庵撰行狀

薦諸將可用

王文忠公亮臣元昊反以公為陝西体量安抚使視四路山川險易還言其路宜益兵若干其路賊所不到其路宜急為備至於薦諸將其可用者二十余人後官為名將

言存錄

古今文集

雜著

代裴相公議河南府道副元帥表 常衮

伏以東征之寄相宅之選皆周召之臣保釐統一也故二南風化見美詩人况洛邑經陸渾之戎有舊染之俗賴陛下發皇明以烛之布陽和以煦之流散稍歸傷痍甫起然猶師君之任宜

得經濟之才自河而南至于吳楚節制戎律未於天下非宏略傑出功冠一時不可以專五侯九伯之征摠衣裳兵車之會巨以衰朽薄劣待罪台司塵辱尸忝无裨朝政每趨宸陛益愧周行豈謂殊當之恩屢出非望注意之責并在微軀憂悵慙惶寸刻難措臣聞唯名者器不可假人審已量力未宜虛授若貪榮冒寵龜勉苟容神明昭三必速其害伏望歷求百辟委之兼才以分二老之任用增九鼎之重則至公大行羣下知勸无任懇迫之至

辭免知福州安撫狀

真德秀

視邦選侯无越帥藩之重臨人位政莫如鄉部之難兼此寵榮惕焉震懼伏念臣材非敏銳李最空疎兩朝千載之逢恭誇華顯一節四麾之寄感著勞能自抗獲邦偶承極弊邑有積年之預借州无旬日之儲重以公姓寔蕃厚祿弗繼內循遺技鴻



元輓美之長俯取窮此用箕歛之術輒效求芻蕘之善冒干  
行葦之仁天憫皇宗歲頒僧牒獲少寬於憂窘方勉竭於扶摩  
相銷田里之歎愁即丐山林之間散未能底績遂已鑿恩陞近  
賊於文謨付中權於閩服願懇調陞曷稱褒遷不稼取禾誰追  
公言之謂維桑焉梓更虞本道之嫌敢瀝忱辭冀回渙渥

論帥臣不可輕出

樓鑰

臣竊惟諸道置帥官稱安撫兼兵民之權有分閫之制朝廷選  
擇甚重不輕比年以來遇有盜賊竊發州縣所不能制者必使  
帥臣親行雖多成功臣竊慮此水旱饑饉所不能免潢池弄兵  
安保其无若自此以為故事帥臣動輒臨戎恐非國家之長策  
也仰惟神宗皇帝垂意邊事廟謨深遠迺熙寧九年知成都  
府蔡延慶言之發陝西兵援茂州俟兵集自將以往今轉運司  
抃府事詔朝廷已遣將部兵延慶務在持重毋得輕去成都元

豐六年河東經略司言西賊入麟州神堂寨知州嘗虎等領兵  
出戰有功詔虎自今毋得輕易出入遇有寇邊止令裨將出兵  
擒逐神宗之慮深矣蓋帥守之臣民之司命一有失宜衆心  
易動當令指授方畧調度軍食持重鎮抚以靖一方雖有挫切  
根本不搖若使輕出利害實大蓋帥臣之行建牙郊野其戰之  
止威在行陣從行兵卒必是單弱而又隨宜迂次登陟險隘脫  
有黠桀之盜伏隱篁竹乘間捷出以犯大帥之顏行則賊勢易  
張國威難振倉卒之頃可勝言哉故延慶有請既拒而不從嘗  
虎成功亦因以切戒此臣平日之所慮適合信使之所傳无事  
而言似非時務愚者一得願效君前伏惟俯矜微悃曲留宸念  
臣幸甚

○古詩

呈王中丞廬院長

韓愈



聲明動朝缺光寵耀京洛  
庚午降絲綸中堅擁鼓鐸  
江淮水清  
雲宇宙重開拓印從負鼎假門為登堦  
鑿再入更深嚴又逢訪  
蹇諶眉筵及瓜趙彞騎多衛霍帶垂蒼玉佩  
嚙成黃金絡五門  
氣爭呼六奇心運度

送薛頴叔帥熙河

蘇子瞻

西方猶宿師論將不及我苟无深入計緩帶我亦可我欲歌杖  
杜楊柳方婀娜邊風事首虜所得蓋之麼願得魯連客一射聊  
城奇

送元厚之帥福州

王介甫

元侯文章翁更以吏能著今為大帥府千里來赴楚街詔出黎  
嶺方為遠人慕旌旗滿流水冠蓋東門駐

○律詩

聞晉公自蔡州入覲

韓愈

南代旄師大華東天書及到冊元功將軍舊壓一司貴相國新  
兼五等崇

贈淮西賈兵馬使

釋清江

破虜功成百戰場天書新拜漢中郎映門旌旆春風起對客絃  
歌白日長

送鄧漕移帥揚州二首

周必大

碧幢紅旆擁西風幾點淮山落眼中卧轍止看留使者襄帷早  
已識元戎兒童騎竹迎并牧父老封棠記召公人望汲卿居禁  
闥淮陽只恐又匆匆

聞道維揚地望雄風流人物似江東六龍前日臨淮海五馬由  
來說前翁研月幾橋留夜色珠簾十里待春風遙知九日平山  
會笑插茱萸滿鬢紅

留別金陵韓帥

周必大



十二麟符玉截肪腰間仍映帶圍黃化行江國春常早訟息階  
除日自長槐影綫移三接昏棠陰先滿十連堂子洲去踏長安  
道待賊中和奏未央

再箋賓筵又一替千金故帚賴提撕泮宮正采僖侯藻太亨俄  
甘吏部壘人似塞鴻春向北心隨江水日潮西太平勲業須公  
助不用頻年恋節竿

送廣帥秩滿之官丹陽

楊廷秀

北門卧護要者自英小試曾中十萬兵天借金山吟落月身兼鉄  
甕作長城何如嶺上因歸路摘取梅酸去作羹已有紫泥教詣  
闕便應留住付釣蓑

送朱師古龍圖少卿帥潼川

楊廷秀

擊水蓬山徧羽儀須臾公府更光輝紫荷到眼垂持素黃菊開  
心便掛衣帶雪蓮壽年尚少買臣衣繡日思歸小煩諭蜀須還

兼却袖香煙侍太微

餞洪帥張伯子移鎮京口

楊廷秀

夢入飛雲卷兩簾袖却築岩作霖手滕王閣上唐阿舒春生秋  
殺震江湖吏部未見張尚書春生終有秋殺无江西十州百万  
户父非姓召母非杜

餞趙子直出帥益州

楊廷秀

欽水花潭照碧油西清李士旧鼇頭隨身琴鶴如清獻治蜀功  
名更蜀侯

送趙德老端明帥蜀

樓鑰

身名俱泰老尚書叱馭帝辮万里途两地恩荣真赫奕四川父  
是定歡呼垂崖袍帶今重見清獻琴鼈我更无頻向等边樓上  
望歸來方略上新圖

送温州

蘇子瞻



威聲又數中興年一虜行當一矢然此道名城得真將故應驚  
羽落空弦追鋒歸去雄三衛授鉞重來定十連

送福建張比部

王介甫

各船蕭鼓出都時万里驚人去不追却望塵沙應駐節會逢山  
水即吟詩

贈馮揚帥

楊次公

天下无双士淮南第一州文章老元帥節鉞古諸侯路穩歸黃  
閣功成建碧油風雲生鶴首蛟蜃怯龍頭

和送朔方大揔管

李矯

玉塞微驕子金符命老臣三軍張武旆万乘餞行輪猛氣凌玄  
朔崇恩降紫宸投醪還約士舞第本志身露下鷹方擊風高馬  
欲賓方銷北塞投還靜漠南塵

送嚴黃門再鎮蜀川

岑參

投鉞辭金殿承恩亦志玉墀登壇漢王南有德蜀人思

送李中丞赴商州

韓翃

當年紫髯將他日黑頭公不異金吾罷兼齊王帳雄

上河陽李大夫

蘇子瞻

上將秉神略至兵无血威寒劍奪衆景夜星火長輝武牢鎖天  
關河橋紐地機

### 經畧使

歷代沿革

唐正觀二年边州別置經畧使此蓋使名之起節

度兼度支營田招討經畧使則有副使判官各一

人儀鳳二年以黑齒常之為河源軍經畧大使永淳元年委

師德為河源軍經畧副使至德三年賀蘭進明除嶺南五府

經畧兼度使建中元年除元珣為度始不帶五府經畧未



不常置咸平五年始以右僕射張齊賢為邠寧環慶路經略使判汾州諸路軍馬並受節度又以鄧州觀察使朱若水為并代經略使判并州自後不除大寶元中夏人入寇始命夾西以边大將皆兼經畧皇祐間儂智高擾边詔知廣桂州並帶經畧安撫使自後西南二边常帶經畧所以重帥權而服羗夷也其經略安撫各以直秘閣以上充掌一路兵民之事皆帥其屬而听其獄訟頒其禁令定其賞罰稽其子谷甲械出納之名籍而行以法若事難專決則具可否稟奏即干機速边防及士卒抵罪則听以便宜裁斷即任河東陝西嶺南路賊任綏御戎夷則為經畧安撫使南渡之初依旧制廣南東路帶土管經畧安撫司公事西路帶經略安撫使紹興五年令襄陽守臣湖北帥帶經略安撫使後罷而一廣如數大元經畧使正三品副使從四品經畧七品

**詩** 英二桂林伯實惟文武才韓愈二十四州民樂不古莫教一物外穷途張孝符紅旗照海壓南荒徵入中臺作侍郎韓退之贈刑部馬侍郎錢下青真樓船過洞庭北風隨爽氣南斗避文星杜甫送李大夫赴廣州

**安南經畧**

威名流聞

戴叔倫為安南經略使綏徠夷落威名流聞其治清明仁恕多方略所至稱最德宗賞賦中和節詩遣使者寵賜唐駱

威声風行

唐裴行立為安南經略使威声風行

綏定八州

唐元結為容管經略使自諭蠻家綏定八州民樂其教立石頌德

都督諸軍



元和十二年御史中丞裴公未莅茲邦都督二十七州諸軍州  
事盜息好華德惠敷施其年政成

管子厚桂州刺史家洲學記

唐涼公房為涼州經略管嶺外十三州之地稅節賦時公私有  
余削衣賤食不立資遺以班親旧為友為義

平嶺表吏

唐王雄字宏肱大曆中為管經略使平嶺表吏獠代宗遣使  
慰勞加金紫光祿大夫

恩被異域

宋朝余表公帥一廣幾十年恩信被於異域如交趾大理特磨  
南詔之國皆可以頤指氣使公之文武之才可謂具矣

言符錄

德者夷夏  
范文正公帥邠延涇慶四都恩德著聞夷夏皆服

林曰龍圖老子至於元昊亦以此呼之

備水並談

徐申字維降為管經略使黃洞納貨供賦不敢桀外番歲以  
珠璣瑁香文犀浮海至申於常賦外未嘗勝索商賈饒益

寇接順化

張公師為安南經略使自為吏習於海邦去之則夷獠稱亂復  
至則寇接順化及受命專征牧人及區處之方制國備形体之  
法道阻而備百貨他偏而具五谷儲時委積師旅况於之呼  
繕完板幹控帶兼成已之位皆用周禮率由儀易野之守險  
逾丘陵而乃世无虞奇珍也貨溢于王府殊俗異美盈于葉街  
優詔累旌其忠良大史嗣書其功烈

唐成林

築城摘要  
范文正公為環慶路經略使安撫招討使於延州築青澗城



田復承平發秦熟荒歸業數方戶於慶州城大順以扼要害  
燧地而耕之又城細腰胡房於是明珠滅藏大族皆去賊為中  
國用言行錄

### 弛禁通輸

劉徽猷子平字彥修宣抚司移軍開州吳玠戍何地王彥戌金  
州二鎮皆饑而吳元帥過為守滿閉閤不復斜二鎮病之公乃  
承制拜公利路經略兼知吳元府公至之日及弛其禁民飢通  
商輸粟二鎮乃安言行錄

### 麾兵血戰

范仲淹知慶州兼經略招討使未幾賊兵三万叩城仲淹麾兵  
血戰賊奔而北久之种世衡不利於定州以仲淹晝夜為領兵  
援初関人心搖動及見仲淹耀兵号令嚴其威震戎落人心遂  
安相質曰边上自有龍圖公為長城吾屬何憂

### 究馬治病

張敬夫經略安抚廣南西路朝廷買馬橫山歲久弊積边氓告  
病而馬不時至公究馬利病得六十餘條皆有以究其根究而  
事為之防由是諸蠻感悅爭以善馬來歲額率常先期以辦朱  
晦菴集

### 移檄交趾

余宥公靖字安道嘉祐五年交趾寇邕州殺五巡檢驛召公以  
為廣西体量安抚使公至則移檄交趾召其巨費嘉祐詰責之  
嘉祐惶恐對曰種落犯边罪當死願留取首惡以獻即械送五  
人送欽州斬于界上言行錄

### 移文諭蜀

唐質肅公介知大原府河東經刺使至則首戒边將毋生事初  
代州尚嵐軍虜數擾边公遣兵撤其境上堡柵又移文諭以利



害嚴守以待之遂不復敢動

元昊鈔畏

鄭戢字天休為陝西經略安撫招討使巡邊至鎮戎軍趣蓮花堡元昊方擁兵近塞謂其下曰我已遣人使稱臣朝廷何為行用此公護諸將其欽畏如此東都事畧

蛮酋叩謝

李浩公字德遠為廣南西路帥有入對論擇帥事者上欣然顧之曰如廣西朕已得人矣李浩也公至鎮勤於民事郡舊有靈渠通漕運既田甚廣歲頗饒塞公命疏治之民賴其利邕管所領羈縻安平州蛮酋持險凶橫聚兵謀為邊患公遣軍使開心見誠諭以禍福即日叩頭謝過焚撤水柵受約束曾李經撰李殿撰浩行狀

驚賊破膽

范仲淹與韓琦同謀必欲外復靈夏橫山之地上謂曰軍中有一韓而賊聞之心膽寒軍中有一范而賊聞之驚破膽元昊大損遂移臣名臣傳

得人死力

唐劉雍為隴右經略使輕財愛士得人之死力

簡關州兵

南軒先生張拭經略安撫廣南西路所統州二十有五遼曾荒殘故多盜賊徼外蛮夷間亦入塞為暴而州兵皆脆弱庸惰又乏糧食死亡輒不補公為之簡關州兵汰冗補闕籍諸州掠卒伉健者以為效用合親兵摧鋒等軍日習而月按之視諸州有不足於糧賜若戈甲之費者更許漕司益本羨錢以佐之傳今溪洞酋豪諭強盜睦鄰毋得輒相讎殺生事而他所以立恩信謹關防亦无不備於是境內肅清方外柔服莫府无南鄉之慮



矣晦庵

節制諸司

予為郡延經略使日新一斤謂之五司斤延州正斤乃都督斤  
治延州事五司斤治郡延路軍事如唐之使忠五司者經略安  
撫總管節度觀察處置五使今節度之職多歸總管司觀察歸  
安撫司加置歸經略司其節度觀察兩案并支掌惟判官今皆  
治州事而已經略安撫司不置佐官以帥權不可不專都總管  
副總管鈐轄都監同簽書而下皆受經略節制沈托筆談

祖於瓊林

咸平四年以兵部尚書張齊賢充涇原儀渭邠寧環慶鄜延州  
保安鎮戎渭遠軍安撫經略使知制誥梁顥副之帝以邊將玩  
寇朔方糧道艱阻故命齊賢等使焉即命發日馳騎而往仍命  
宣徽南院使周堇祖於瓊林苑

歸裝无南物

李燾撰浩為廣南西路帥奉法備已律已甚嚴自嶺右歸裝无  
南物

歸不載南物

余靖知廣州唐之番舶裝船舊皆取稅公奏罷之以徠遠商又  
請立法戒當任官吏不得市南藥及公北歸不載南物

古今文集

雜著

桂州新城記

王介甫

儂智高反南方出入十有二州而十有二州之守吏或死或不  
死而无一人能守其州者豈其材皆不足歟蓋夫城郭之不設  
兵甲之不戒雖有智勇猶不能勝一日之變也天子於是遂推  
選士大夫所論以為能者付之經略而今尚書工部侍郎余公



當廣西焉寇平之明年蠻越接和乃古城桂州以至和元年八月始作而以二年之六月成夫其為役亦大矣蓋公之信於民也久而費之欲以衛其財勞之欲以休其力以故為是有大費与大勞而入莫或以為勤也故文王之起也有四夷之難則城于朔方而以南仲宣王之起也有諸侯之患則城于東方而以仲山甫此二臣之德優於其君於其為國之本末与其所先後可謂知之矣慮之以悄悄之勞而發之以赫赫之名乘之以翼翼之勤而續之以明明之功蓋其君臣如此而守衛之有其具也今余公亦以文武之林當明天子承平日久於補弊立廢之時鎖抗一方脩扞其民其勤於今与周之南仲仲山甫蓋等矣是宜有記也

○律詩

送張子智移師入桂

楊廷秀

揮刀將帥迎牙纛龍尾名臣進字奎虜頭移鎮赴喀溪解鱗戈  
蠻貢象犀翠浪王虹餘昨夢碧參羅帶入新題鳳山維村公栖  
處早个雲飛不要柳

送鄭擁尚書南海

王建

成頭龍腦鋪開口象牙堆物設薰炉出蠻辭晚節開市啗山賊  
破金賤海船來白鬪家織紅蕉處裁已將身報國莫起望  
鄉臺

送桂州嚴大夫

韓愈

蒼々森々挂竅地在湘南江作青羅帶山如碧玉簪戶多輪翠  
羽家自種黃柑遠勝登仙遠飛鷲不假駘

送新尚書赴南海

韓愈

衙時龍戶集上日馬人來風靜鷄鷓去官廉蚌蛤回貨通御子  
國樂奏越生臺事皆殊異无嫌出大才



送嚴大夫赴桂州

白居易

地壓坤方重官兼憲府雄桂林无瘴氣插省有清風山水衙門外旌旗樓殿中大夫應絕席詩酒更誰同

送徐大夫赴廣州

劉長卿

將壇場拜南荒羽檄招遠方來百越元老事三朝霧遶龍川暗山連象郡送

送鄭尚書出鎮南海

張籍

牙旆從城長兵符到府開蠻聲吟夜市海色潤朝臺

送李大夫赴廣州

杜甫

斧鉞下青真接舫過洞庭北風隨爽氣南斗避文星

寄楊桂州

杜甫

五嶺皆炎熱宜人獨桂林梅花萬里外雪片一冬深

送鄭尚書赴南海

韓愈

番禺軍府盛欲說暫薄不聖蓋海旌旗出連天觀閣開

送嚴大夫

王建

嶺頭分界墩一半屬湘潭水驛門旗出山蠻洞主參

送范經略仲濟

蘇軾

廟堂巽世將范氏真名賢仁風被宿麥綠浪搖秦川

### 留守

歷代公傳

和帝南巡張禹以太尉兼衛尉留守隋大業九年

年代王侑留守西京十二年李淵太原留守王威

高君雅為副唐太宗正觀十七年親征遼東置京城留守以

房元齡充蕭瑀為副其後車駕不在京都則置留守以金吾

大將為副咸亨二年高宗幸洛陽以雍州長史李晦為西京

留守其後車駕發京都則置留守以右金吾大將軍為副留



守太原府亦置尹少尹以尹為留守少尹為副留守謂之  
三都留守宋晉天福七年勅留守之任委寄非輕凡降綵  
綸宜同將相今後除留守宜降麻制留守降麻自安彥威始  
宋天子巡狩親征則命親王或大臣總留守事建隆元年親  
征澤路以樞密使吳延祚為東京留守其西南北京留守各  
一人江南應天府尹各一人留守尹闕則置知副府事一人  
以郎中以上充通判各二人一掌留司一掌府事以朝官充  
留守司掌宮鑰及京城守衛修葺彈壓之事歲內錢穀兵民  
之政建炎初京城有副留守以檢校少傅宣武軍節度使范  
訥充留守以待衛親軍都指揮使遂安軍承宣使郭仲荀副  
之又有西京留守並係執政從臣充兼節制軍馬其後武林  
建鄴並建行宮武林視汴都而建鄴視三都焉紹興四年參  
知政事孟庾為行宮留守從權措置百司事務六年有行宮

同留守以左通奉大夫孟庾兼奉天青銀節度使  
守並權赴尚書省治事是年八月三省已降指揮一節自樞密  
院帶程事務並聽行宮留守司去矣並權赴尚書省治事今

**大元** 有兩都留守同知留守副留守

**羣書要語**

山国用虎節周礼秦使杞子成鄭掌北門之管傳  
謹守管鑰以蕭何房喬居守聖君无回顧之憂

要明皇東守命開府以居留同上方委留鎮白集韓臯留守制  
主鑰東門杜牧之集命尔居守俾之保綏陸集賈耽制統禦都  
邑提持紀綱同上乃眷留都之重歐公徐刘防制委以別京之  
重文彦博制處居留之任賜彦博口宣守宮鑰之謹嚴文彦博  
謝表眷是別都之重温公賜韓琦詔近付京都之鑰荆公除李  
璋制

**古今事考**



別造玉符

傳符之制京都留守曰麟符隋煬帝幸遼東命樊子蓋東都留守屬楊玄感作逆攻城子蓋備禦有功車駕至高陽追詣行在所帝勞之比蕭何寇恂且謂曰公宜持重戈甲五百人而後出此亦勇夫重閉之義无賴不軌者使誅鋤之九可施行无勞形迹今為公別造玉麟符以代銅獸六典

乃賜鐵券

郭子儀為京城留守自變生倉卒賴子儀復安帝曰子儀固社稷臣因勞曰用卿晚故至此乃賜鐵券圖形凌煙閣唐載林

卧總留臺

正觀中太宗幸玉華宮房元齡以疾卧總留臺

並加持節

後魏高祖南伐以太尉元丕廣陵王羽留守京師並加持節

皇降錄論見徐華注

必賜甲中

唐元和九年以尚書左丞呂元膺充東都留守舊制命留守必賜旗甲与方鎮略同及元膺受任終无所賜朝論以東有寇虞特用元膺不當削其儀制以阻威望諫官上疏曰華汝壽三州列賜戎械居守之重固宜寵借憲宗曰此數處並不當去其後遂皆停

付六府事

隋楊瓚居守帝謂之曰六府事朕一以相付朕付遂事東方无西顧之憂職官分紀

治綠野堂

裴度字中立文宗時留守東都時閣豎擅威權天子擁虛器度不復有經營意乃治東都綠野堂野服蕭散為之把酒不問人



問事帝知度神明不衰每人自洛來必問度安否

國之元老

唐元宗東巡宋璟為留守上臨發謂璟曰知國之元老為朕股肱耳目今將巡洛邑為別歷時所有加謀嘉歎且相告也璟因極言得失特賜綵綸等仍手制曰所進言書之坐右出入觀省以誠終身其見重如此

民號良吏

顧少連字夷仲為東都留守表開田以利民号良吏

任關中事

漢与諸侯擊楚蕭何守關中以便軍施行。來以關計戶轉漕給軍漢王敖失軍趣去何常與關中卒輒捕殺上以此剗屬任何關中事洪蕭何傳

無西顧憂

北武曰昔高祖任蕭何於關東先復西顧之憂得專征山東終成大業

治尚寬簡

源乾曜留守京師治尚寬簡人安之

治以和簡

權德輿治以和簡人以寧便

戎政謹服

刘政武德初留守太原調輯戎政遠近謹服

號公精明

王翊字宏肱為東都留守既至開田二千餘屯修器械皆良金壽單練士宅宅令精明只少誠叛獨東歲為有備

能守夫望

裴度罷東都留守中人使函鎮還言軍中謂度在朝而兩河諸



侯志者懷強者異今居東人人失望

宗社獲安

荀楨留守京師掩獲沙門法秀謀反太后曰宗社獲安實卿之功

倉卒復安

郭子儀射生將王抚自署京兆尹乱京城子儀斬以徇帝以子儀為京城留守自變生不為平賴子儀復安

賜書褒勞

杜暹帝更幸以暹為留守暹率當番衛士繕三宮城浚池督焚不少懈帝數賜書褒勞

賜詔寵異

開成中東都留守牛僧孺徵拜左僕射上令左軍副使賈告身宣賜舊例留守入朝无中使賜詔上特寵異之唐書要

行留悉總

房元齡為相會伐遼留守京師詔曰公當肅何之任朕无西顧之憂凡粮械飛輸行留悉裁總之

治行第一

張延賞為東都留守五年治行第一

或用舊德

唐故事君守之任或用舊德或用故相未嘗以武將而當保釐之重長慶二年以浚郊有事地逼封所以前義武軍節度使陳楚為東都留守且非舊制尋亦改焉續通典

可倚大事

太宗幸洛陽李大亮副房元齡居守元齡称有王陵周勃節可倚大事

有利即行

高宗幸洛陽令河間王孝恭次子晦居守顧曰關中之事一以



付卿令式之外有利於人者隨事即行不須聞奏晦累有異四  
以廢復行

崔從宝曆初為東都留守故事留司官入宮城門列晨衙見留  
守吏誕謾久廢至是復行

團結民兵

國朝葉夢得字少蘊号石林先生公留守建康團結松江民兵  
数万至是呼集分撥江津仍遺其內機宜官模領数千入守馬  
家渡虜果遣吾叛將鄧瓊以輕兵來犯資有備而去 言行錄

位置營壘

洪文安公遵知建康徧走郊野位置營壘民居及冢墓无相涉  
諸將不能易上賜手札曰寨地異同卿挺身任責非乃心王室  
時克尔

全活数千

王山國公文正公曾留守洛陽屬歲歉里有困積者飢者聚  
脅取鄰郡以強盜論公但重答而釋之遠近聞以為法全活數  
千計 並同上

條具十事

公知建康府赴闕奏事建康東南巨鎮南渡以來行宮在焉兼  
掌留鑰選用尤重公對于內殿敷陳時務備定其規模為不  
可勝以待敵之可勝又條具十事上嘉納之 詞苑 投呂尚書

輦下清肅

李沆字大初諡文靖真宗朝戎人寇边幸燕沆以宰相為東京  
留守不戮一人而輦下清肅

城上親督

刘錡領兵赴東京副留守任抵順昌府得报虜已陷東京公曰  
其本赴留司今東京既陷幸全軍至此有城池可守當同心力



以死報國公親於城上督衆設戰具凡六日而賊至公遣擊之頗殺虜衆既而元木親擁兵至公登城會諸將問策或謂有具舟全師而歸公曰朝廷養兵正欲為緩急之用况已挫賊鋒軍士稍振雖多寡不侔然有進无退公遣數百人出西門虜來接戰俄以數千人出南門士殊死鬪虜大敗橫屍盈野賊技柔遁夫言行錄

及像以事

王沂公拜泣大名治政益信於俗民居軍伍咸及像以事之時虜使每往復入境皆云此府王公在焉必沐浴潔服後入

捧練以賜

范成大淳熙中帥江東兼行宮留守陛辭詔明日辭選德殿特設几開宴酒三行命侍行過西小軒曰此朕清坐處也再坐上曰勸卿一盃且有以為侑公飲訖一侍捧練素束上有石湖

二字拜賜進謝上為滿引復袖御書蘇軾詩一軸以賜

聘使書名

韓魏公鎮北門北門為聘使道舊與京尹書皆押字不名及公留守則名于書其副使成禹錫來仍喻來介曰以侍中在此故特名及公去後留守引前北欲得其名強之不可

社稷所重

景德元年駕幸澶淵真宗謂王曰曰京師社稷所重非公不可並同上

特許行留

紹興六年中書門下省言秦檜孟庾並係兼行宮留守詔特許張蓋

長於彈壓

紹興八年召呂頤浩付以建康頤浩入辭趙鼎曰頤浩之政長



於彈壓建康名郡頗望其來上曰繁劇固以彈壓為先若不動  
声色使百姓陰受其賜小人却不知也 中興系年錄

**古今文集**

○古詩

寄北都留守裴令公

白居易

天上中台正人間一品高休明直亮舜勳業過蕭曹始擅文三  
捷終兼武六韜動人名赫二憂國意切三龍重移宮鑰恩新換  
關從保釐東宅靜守護北門牢豹尾交牙戟虬首捧佩刀通入  
白犀帶照地帶麟袍

送裴司徒令留守大原

劉禹錫

星使出關東 兵 賜上公山河歸舊國管籥煥離宮行色旌旗  
動軍聲鼓角雄 寒 余故吏騎竹見新童漢壘三秋靜胡沙五  
里天其如天下望日久詠清風

○律詩

寄東都留守令狐相公

姚合

除書東守洛陽宮恩比蒲方任更雄拜表出時傳七刻排班衙  
日有三公旌旗嚴重臨關外侍府洪深接禁中

送薛尚書兼御史大夫東都留守

耿緯

副國威名重春卿禮崇崇賜珪推拜下分命遂居東高旆翻秋  
日清鏡自細風教用儒門雅兵稱武庫雄誰云千載後周呂獨  
為公

○詩話

趙老燈臺

歸田錄裡諺云趙老送灯臺一去更不來不知是何等語雖士  
大夫亦往往道之天聖中有尚書郎趙世長者常以滑稽自負  
其老也求為西京留臺御史有輕薄子送以詩云此回真是送



汀臺世長深惡之亦以不能酬酢為恨其後竟卒於留臺

春圃桔槔

熙寧初魏公罷相守北京新進多陵慢之魏公鬱鬱不得志嘗為詩曰花去曉叢蜂蝶亂雨勻春圃桔槔閑時人稱其微婉

新編古今事文類聚卷之七

八集



所圖書





製 復 許 不